

揭曼碩詩集

二

揭冥頌詩集

卷之二



獻張平章

天厯肇玄朔坤輿集 皇靈沛蔡既榛夷南海淪
 炎精圖書入天府將帥功業成寶玉被親懿茅土
 列公卿庶類奮休祥羣賢基太平明公紹鴻烈文
 采敵華聲出入三十年惕然心靡寧論兵體安危
 攬轡思澄清矧屯股肱地夙夜在 王庭名高德
 益難位隆責匪輕 聖心誠弘裕臣節美戰兢唐
 虞登夔臯堯舜猶日升周召竭師保成康措王刑

昌明頌同濟援筆播芳馨

題祝道士龍虎山先天觀面

聞說先天觀重重絕壁環鳥啼青澗裏花落白雲
 間樵子能長肅居人識大還洞門無處認唯有水
 潺湲

二貞詩

關右有姬氏者父子皆蚤世姑趙婦張皆以年二
 十五而寡守節不嫁作二貞詩

關右有姬氏父子蚤棄捐孀婦奉憲姑誓死各芳
 年膏沐誰復理羅襦委篋間辛勞事蠶繰祭祀亦

靡德父母既莫奪媒灼徒空言鳧雁安所施幣玉
視如烟寧與枯瘁沒不為歡樂存婉婉桃李花春
鳥何翩翩萬物各知時姑婦獨纍然

史館獨坐

地質天逾近風高午尚寒虛庭松子落歌檻菊花
乾撫卷俱千古憂時有萬端寂寥麟父筆才薄欲
辭官

周待制致樂堂詩

有堂渠渠在番之區維周壽母式燕以娛渠渠有
在番之陽維周壽母式燕以康斯堂何有有蘭
有芷垂佩榮榮維周之子斯堂何有有蘭有孫燕
佩申申維周之孫曰烝曰嘗孔時且具維甘維旨
承于壽母母曰寧只福祿凝只升斯堂只我心平
只母曰嘉只福祿遐只升斯堂只我心和只

馬氏巖溪畵

何處幽巖下復有清溪瀉霧氣散長林湍聲落平
野石宜白鳥憩樹想玄猿把誰獨此安居居入云
姓馬

山水面

幽人無世事高卧謝浮名山崦晴時出溪流盡處

行還聞有漁釣相問扣柴荆不掃門前路莓苔滿
地生

送道士薛玄卿歸江東

知君此去漸難招只在人間已廓窅市上有時逢
賣藥山頭何處覓吹簫仙巖華落溪流滿鬼谷雲
開對影遙未必故山安隱逸海天涼月夜蕭蕭

大明殿退朝和周待制

魏觀道德拱羲皇濟濟威儀陋漢光日射龍文宮
文扇風傳雞舌侍臣香中霄景氣浮雙闕下界歡
謠動八荒詞館小臣何以報皇圖聖壽與天長

祖生詩

浦城孝子身姓祖自憐性命如糞土生纔五歲遭
亂離有母更被官軍虜零丁二十八春秋母縱得
生何處求天地茫茫明月恨江山漠漠白雲愁忽
得母書驚母在看書未盡淚先流書云流落河南
縣河南踞遍無由見唐州境上忽相逢白髮蕭蕭
霜滿面誰知喜極情轉悲有人更問初別時十生
萬死到今日始為母子東南歸東南迢遞關山路
入門猶記階前樹居人傳說盡相看雞黍提携竟
朝暮祖生母子真可憐少壯離別若大還同時別

井被兵者幾人骨肉能生全願生母子長壽考四海升平永相保

孤雌行為郾城節婦作

有鳥有鳥雌雄相追哺雛未飽鳴且飛雛未長雄乃死子亦隨朝朝暮暮唯孤雌長林廣野風日美步步不敢離故棲燕雀搖颺差復池迴身側腦適相欺誰憐孤雌心到死終不移更有許州郾城徐氏母一生抱恨守空閨

燕氏救兄詩

千金之子不死市楚人竟殺陶朱子生者可殺死

詩二

甲

可生千金為重骨肉輕誰謂平陽有燕氏傾家乃出而兄死第再有兄兄見第里閭驚嗟官吏喜嗚呼安得天下之吏廉且循庶政如水無冤民

送華尊師以天壽節奉詔祀武當

靈時嚴漢祠神峰標楚甸羽人丹丘伯承詔馳嘉薦華渚曜玉虹條風舞玄燕長淮雨中馮喬嶽雲間獻涉旬塵峻阯梯空峇和願授蘭香始升揭虔帝如眷天清翼軫動地肅玄武見飛響迥更聞奇祥靜逾絢是中有真侶蚤接諸方援胼胝負畚鍤鑿翠蓄雷電金芝產齋房喬雲冠巖殿祈禱無

歲年會節方紛衍既協 時君降又樂明祀徧聖
歷齊堪輿豐澤周寓縣還歸報 天子獨往奚所
羨 真侶謂張真人有道行

送馬雍古御史撫喻河西

我皇屬憂顧君子得安居孟春風且寒遺予以
脩途四牡何翩翩迴首睇神都我懷正紆鬱散函
忽已踰積雪被長鬣萎者何時蘇歸彼蓮花峰上
出浮雲衢白日曠以縣下視若玄墟煙塵起西北
原野無定株行者中顧懷居者念其廬黃河洶東
流乃自崑崙渠四海豈不曠切若肌與膚親賢遠

詩二

五

譏人古以致康娛君子誠多材乃用在馳驅秦隴
阻關塞歲月浩已徂鞠躬盡明義是為世所模
送周山人之遼東

物變風已暄庭虛雪猶在每與君子違偏驚歲年
改名山先夢到靈藥隨方采明日望行人雲槎隔
遼海

李宮人琵琶引

鄆縣亢主簿言有李宮人者善琵琶至元十九年
以良家子入宮得幸 上比之昭君至大中入事
興聖宮比以是疾乃得賜歸侍母給內俸如故

允且乞詩於余遂作李宮人琵琶引其辭曰

茫茫青塚春風裏歲歲春風吹不起傳得琵琶馬
上聲古今只有王與李李氏昔在至元中少小辭
家來入宮一見世皇稱藝絕珠歌翠舞忽如

空君王豈為紅顏惜自是衆人彈不得玉觴未
舉樂未停一曲便覺千金直廣寒殿裏月流輝太
液池頭花發時舊曲半存猶解譜新聲萬變總相
宜三十六年如一日長得君王賜顏色形容漸

改病相尋獨抱琵琶空歎息興聖宮中愛更深
承恩始得遂歸心時時尚被宮中召強理琵琶絃

上音琵琶轉調聲轉澁堂上慈親還佇立回看舊
賜滿床頭落花飛絮春風急

題上都崇真宮陳真人屋壁李學士所畫墨
竹畫筆作

玉京灑水上仙館白雲鄉虛壁數竿竹清風生滿
堂微吟弄寒影靜坐佇幽香有客仍無事澹然方
兩忘

集賢大學士趙國公王開府慶八十應制

昭代雍熙日詞林賦頌時紫宸丹詔出申第五
雲垂裕廟青宮裏王公玉樹枝朝趨濟濟

夕侍接龍夔際會真難及飛騰已在茲暴公初繡
斧方外更藩維霜簡驚風裁天官蕭羽儀還迎代
邱入竟被漢文知位望濟三少權衡俯百司每蒙
天黼黻直許國著龜鳳獻廣寒殿龍舟太液池羽
觴春侍宴玉座夜觀碁德業前賢繼辭華後進推
高情濔廣受餘事擬徵珪全趙山河富瀛洲日月
達九卿看綵服八表表厓眉皇覽逢初度殊息介
壽祺黃封中使出玉食尚饗移國老陳嘉慶李韓公作
序羣工播盛辭禮非前代有施及老臣宜福祿何
人並忠貞百歲期 聖心誠念舊政用作臣規

陵陽牟景陽以名祖父之子孫負奇材勁氣
而與世抹撥自台州教授入掾翰林一語不
合竟棄去不顧以詩為別

奇璞剛之媒娥眉妬之具悄々君子心皇々百王
度高風集大木日夜如吼怒不畏枝葉殘但恐本
根蠹曉登崇臺上天地一何臣白日光未吐羣星
爛無數僊人五雲車縹緲玉清路區々陰陽忠可
望那可遇忽聞金鑿空歲暮仍南去不得與之同
顏足毛髮豎

結羊腸詞

正月十六好風光京師女兒結羊腸焚香再拜禮
神畢剪紙九道尺許長燃成對縮雙雙結心有所
祈口難說為輪為鏡恒苦多忽作羊腸心自別鄰
家女兒聞摠至未辨吉凶憂且畏須臾結罷起送
神滿座惟忻雜顛顛但願年逢此日兒結羊腸
神降吉

劉承旨父大司徒邢國公慶九十應制

聖主尊賢遂及親邢公盛事更無倫身躋九表曠
方碧見過耆年鬢未銀鳩杖乍頒寧畏噎龍章游
拜欲忘身上公建土山河富光祿分壺雨露頻祈

木天清雲五色梁園花發月重輪錫宴梁三宮寵

錫鷲殊數四座稱觴半老臣瑞錦爛熳迎化日無

金條脫照芳春素烟并晴熏上白雪冷豔曲

新先世勲庸歸琬琰名家父子映風紳三槐已驗

移居日五柳翻如寄傲人澗底桃花曾閱世枕中

鴻寶自願神詞臣欲繼莊生作才薄何堪論大椿

小孤山次韻

小孤山前一迴瞻蒼然始識孤山面隔江疊嶂開
翠屏絕壁浮雲飄素練憶昔初蒙翰林聘艤棹探
竒不知倦捫蘿涉紆至絕頂目極神闕氣為憂不

江東匯彭蠡來晝夜崩騰奔海甸笳鼓遙聞日月
動帆檣忽度乾坤轉舟人不識造物奇但趨急赴
南風便蚤悟微官七載縛底用區區厭貧賤深窓
冷僻守編摩何異揚雄困雕篆重來勝地歲云暮
短景催人疾於箭天昏一火明山半石底猶疑有
雷電彭郎磯下寒浪湧坐客心說龍君傳人生可
喜還可憐世事堪違不堪戀明朝匡廬復入眼雖
有此境何由羨武城先生獨好事名山每恨遊難
遍博城客子無一錢但當作詩乞如願

丁巳自編序

廬陵蔡學士兄

廬謁告歸廬陵阿兄在九原歲暮豈遑
寧兄昔事武皇海內希英聲意氣動人主文
采何從橫時事一朝異長揖去躬耕令弟紹芳猷
策足在承明如何奄忽間南北隔死生方舟發京
國日落烟霧青萬感緣中來惕焉如有懲羈臣戀
魏闕一夕竟九升君子恩義重况此骨肉情深
不可忘悠悠道路長山川日夕改我行殊未央稍
出燕冀都已涉齊魯疆高天圍四野悵望但茫茫
道傍多古墳墜城逾相當荒草吹北風日夕下牛
羊不知何代人於此闕興亡自古既有死誰獨免

摧傷死者雖不同私懷詎能已塗路猶感傷况我
兄與弟世俗日衰謝常懼莫能起生者忽若遺誰
復哀其死念昔賢哲人一一夫為鬼詩書稍篋笥
采：當路子按藻廟明庭幸與君子同矧在弱冠
年已獲承其風家本聖門後孝友世所隆何意于
是親一別曠音容及我南歸日舟楫復相從皦
寒日高冥：厲北鴻落帆滄江際渺然忽西東努
力慎所託無為謬勞躬

寄題臨川西澗范氏寓居

澹塘：更西幽澗抱堪題流水花間住孤禽竹裏
啼石稜苔自合山徑樹相齊久客成真隱故園應
已迷

尋舍弟將至東牢宿野店

歲暮尋吾弟山行兩舍餘入雲攀磴道落日及村
墟茅店溪邊冷松林石上踈如逢武陵客風景未
應殊

贈王郎

王郎楚狂士意氣飛秋霜讀書一萬卷下筆數千
行富貴視浮雲况肯矜文章十五恥閭里掉臂辭
故鄉夜宿東海月朝買西州航瞋目王公前結客

少年場一飲或一石一醉或一觴寧捐屠狗人不
與俗士當千金不易笑歲暮單衣裳阮籍存窮途
英聲連四方鸞鵠有時鍛反愧燕雀翔世無劇孟
交不及青樓倡燕趙如花人翠袂黃金璫不識豪
俊士空媚癡與狂王郎遠過我坐我牀藜床終夕
無酒飲撫髀歌慨慷平明別我去極目空茫茫

沈逸人東觀招飲山館

野館青山下晴軒積雨餘招尋蒙遠客寐寔愧閒
居空翠沾盃冷殘雲度谷虛從茲結朋好隨處問
何如

畫鴨

春草細還生春雛養漸成茸之毛色起應解自呼
名

題聶元公山館

開軒南山下日對南山云青松俯前楹秋菊被中
園翳之脩竹森清泉出共間歲晏農務息銜盃樂
餘閒時從隣曲游共搆稼穡難達人貴知己俗士
多所牽以茲謝簪綬委心此南軒刈植既敷榮佳
興日以繁讀書數貝子餘事焉足言

送徐主簿章言赴武昌陪入京

岳雲厲敬驚風萬重摩，高圓蟠足鼓巨浪，豈願九重淵毛生入楚庭，頽脫俄碩間粲。徐公子長鸞起，立樊朝辭豫章臺，暮匡廬山大帆割鸚鵡極目，空波瀾黃鵠錦祀仙，入笙紫霞段相碩，一咲粲青春滿南天，黃金築高臺，更覺郭隗賢，瞻翺樂劇輩相逐，入幽燕，平月九門，刊劍佩，喻五千，豈無一字薦傾倒，平生言東風水，華開待我薊門前。

歸舟

汀洲春草徧風雨，獨歸時入剡中流，下青山兩岸移，鴉啼木郎廟，人祭水神祠，波浪爭掀舞，艱難久

自知

小孤山曉發和蔡思敬韻

日落霞明錦浪翻，匡傾石峭白雲間，乾坤上下雄孤柱，吳蜀東南壯此關，神物夜移風動地，仙舟曉度月灣山，回瞻絕頂登臨處，空翠冥濛杳靄間。

大信晚泊呈舟中諸公

千家楊柳江當門，東梁西梁兩岸躡，連櫓大艦集日昏，撥金伐鼓海上聞，小江更出采石後，前人立功後人守，大信花采石酒陌上相逢莫迴首。

白楊河看月

白楊河上青明月昔人曾見今人別茅屋數家河
上村池作三山白銀闕波平風靜棹歌來萬頃冲
融鏡面開今夜江南憶遊子空瞻雲漢上昭回茫
茫萬里燕齊路北斗從橫秦階曙黃河東逝月西
流明日燕風過洪去

歌風臺和季提舉韻

萬乘素歸火德開漢皇曾此宴高臺沛中父老謳
歌入海內英雄倒載回湯沐空餘濟泗在風雲猶
似翠華來旁碑立斷蒼烟上靜闕人間幾劫灰

題萊陵獨釣圖

何事玄纒入里閭羊裘輅脫就安車空令太史驚
同養猶把狂奴視報書一出聊為天子重諸公草
道故人疎朝廷自是中興士且放桐江著老魚

題龜鼠食瓜圖

種瓜中國子亦勤止瓜長而實汝則殘止雖則殘
止子敢汝仇天實汝生子將何仇汝食之甘既肆
既閑實之食矣無傷子根根存而微惟子之窮根
盛而實惟乃之功

尖信州僊源觀徐尊師乃玄教大宗師張開
府之弟子也

玄霜搖罷世都遺，葛屨蕉衫太古姿。天上真人開
府日，山中僊子閉門時。空林雨過金芝老，深谷雲
寒白鶴飢。萬里馳書為求別，盧敖何處定相期。
送蔡思敬還豫章，有懷遼陽李提舉。

采日能同去不同，獨携別恨向秋風。眼看亂葉渾
無定，心與浮雲併一空。黃獨山中歸自斲，玉梅溪
上夢先通。莫嗤留滯京華者，更有遼陽送斷鴻。

孔林面詩

集賢待制周侯能脩禮于孔林，侍讀學士商公面
之，史官揭傒斯詩之。

嶽岷尼山蔽于魯邦，篤生聖人維民之綱。左山之
下有洙，有泗有蔚，孔林在泗之涘。維彼聖人教之
誘之，凡厥有民則而倣之。維彼聖人覆之，載之凡
厥有民，敬而愛之。既誦其言，亦被其服，孰秣其馬
于林之側。既誦其言，亦履其武，孰秣其馬于林之
下。六轡既同，周侯之東薦之，侑之聖人之宮。其音
洋洋，其趨踳踳。其臨皇皇，聖人允戢商氏，而之式
昭其敬。載瞻載思，因不由聖。

壽樂山詩一首為吳真人生朝作壽樂山其

里山名

峨峨壽櫟山，瀕洞雲錦溪。百里空翠合，諸峰南斗
齊。卧新月，窳桂坐聽搏。乘鷄臨深測，地軸升高徑。
天倪陰淫覆，變藥陽罔敷。紫萸縣泉聒，空響飛對
凌風嘶側，畏援鳥墮幽。恐漁人迷茲山，不自高與
人作丹梯。赤松棲其東，王喬憇其西。浮丘前捧擁
安期後提携，神君領天官。出入黃金闥，梅花照羽
袂。天書函紫泥，歸期指松櫟。千歲猶未稽，養和養
靈源。伏智歸荒蹊，木公與金母大咲。彭鏗低

壽王副樞

士表懸車兩府稀，五朝遺老百僚師。寒梅看足行
陰處，舊史評來坐歎時。身退已將心共遠，名高轉
覺世堪遺。且陪嘉客霑春酒，政待武公歌抑詩。

李將軍歌一首送李天民赴邵武軍口列檢

李將軍材且武，儒冠換得兜鍪去。身疑南極老人
星，氣食陰山雪毛虎。雕弧白馬金僕姑，天地昂々
此丈夫。五十方為求盜使，人生何用苦詩書。寄言
邵武諸官長，不是尋常一腐儒。時中書以吏部
選負多有十年不
得調者素以高調
人而天民武備是漢
老人星其常自前

題桃源圖

江左龍虎山，南十里。有桃源者，劉王二尊師所辟。

也臨江范亨父為之記余為賦五言詩十七韻

桃源非一處龍虎畫難同內外關踰鐵高低石作

叢黃繡青劍吐紫蓋白雲東瞻影當霄迴蟻眉抱

月弓六峯名千重藏曲折四面聽虛室地戶吟風黑

天池浴日紅雪霜翻濺瀑雷雨瀉崩洪暗識猿啼

遠晴聞鳥語工危龕三井秘絕澗九橋通江合仙

巖怒山連鬼谷雄劉王開闢後秦晉有無中時見

看桃侶類逢採藥翁丹臺寒漠漠琳宇氣熊々濟

勝非無具緣源恐莫窮烟霞俄變滅草樹杳龍葱

四序何勞誌羣愚倘擊蒙誰言武陵近十里上清

宮

送人歸豫章

積雨霽徂夏故人今日歸手持毛生檄身著葉公

衣玉樹挂秋月丹萸揚曉暉東湖徐孺子應恠久

相違

送王留守宣慰荆湖

舟楫連檣出薊丘弓刀千騎入荊州歌翻郢雪寒

暄變思逐岷波日夜流雲雨腹連神女宅山川晴

繞仲宣樓豈無賢士堪招隱應向鹿門深處求

顯張導師畫

晨登翠微天氣穆清白雲覆谷飛露垂纓孤援遠
響衆鳥嚶鳴牽蘿沙澗穿石度陸半巖華氣萬壑
松聲神宮漠漠靈戶熒熒長陰迹影叩寂求應弄
髮老人咲而相迎弗問弗承悟彼長生玄玉流液
瑤草結英浩浩舞泉出與川平宛彼下人望我巖
扃

送播州楊宣慰歸藩

祇奉 綸言出夜郎恭陳壤奠入明光嘉名 宣
賜黃麾外大宴恩陪 玉座倚天仗影移低日月
宮懸聲動下鸞皇三呼拜舞 君王德永共藩臣

守四方

雙旌遙指洞庭曲十乘聯翩度五溪龍虎親軍兼
使節犬狼諸獠入封提光昭廟祐恩波遠風動藩
維禮秩躋北望五雲高魏闕亦知憂願在黔黎

寄頌括蒼王氏東野二亭

畊雨

時雨布嘉澤羣物盡欣豫晨興集童僕東野從所
務鵠鵠應候鳴鶴黃翔高樹衆草萋以出涿漈被
行路龜勉勤微躬寧復當世慮羨農不我侍沮溺
諧所慕食力隨齊民常恐負空素眷言徇茲道卒

此年歲莫

心遠

窮居豈余志無營得長閒
翳翳三畝宅頌樂彼南山
灌木何蒼蒼雲鳥相往還
已絕嬰世念以接仁里
歡但願黍稌登春酒恒慰
顏義和緩其轡萬物悠然安

寒夜作

踈星凍霜空流月濕林薄
虛館人不眠時聞一葉落

送唐尊師祠武當

卷之二

十八

龍袞分香下絳霄羽衣承
詔出清朝星臨翼軫南
垂闊神降虛危北極遙
金殿墜雲開紫氣玉臺
和月合笙簫蕃釐更為吾
皇祝下國時豐雨露饒

送唐尊師歸廬山

香爐峰色紫生烟一入京華
路杳然雲碓秋閒春藥水
雨犁春卧種芝田書憑海鶴
來時寄劍自潭蛟去後懸忽
報歸期驚倦客獨淹微祿負
中年

贈淳真子

蕩蕩白玉京超超淳真子
十一求神仙服事丘

李嵩洛二十載結茅白雲裏
食是賜谷霞飲是玉池水
鬼神莫能識百念吹不起
一朝忽騰化徑去不可遮
飛駟服五龍角中搖三花
朝發扶桑國暮宿河漢槎
朝食千歲桃暮食五色瓜
長揖青牛君高歌渡流沙
還憇金陵邱調笑許史家
日食五侯鯖安得厭胡麻
春風長安陌落日邯鄲道
迎人上青天送人入秋草
竦身八極外天地忽亦老
寄謝區中人全真以為寶

孤松篇壽王大學士

大地凍欲裂孤松高穆清
橫睨泰華嵩俯察蓬萊與

詩二

二十九

瀛天風四浩蕩身與元氣并
根深本自固霜雪空嶺嶸
白晝甘露降半夜朝陽升
飛枝蔭扶桑勁氣摩撓搶
羣鳳所託命百鳥徒朝鳴
冥冥廣寒宮丹桂亦虛生
八萬四千人何時月常盈
維此天一柱千歲所養成
自非堯舜君工垂馬敢徵
漢武作建章千門照西京
榆林當此時餘柯了棟樑
天地既有此未必終無情
蒼蒼歲寒心求世仰堅貞

過何得之先生故居五首

可憐古井門外依舊鐘樓屋
西河裏高陰痛飲黃

華翠竹都迷

先生有詩云一井當門噴寒光照四隣又我住東街北鐘樓在屋西

心事巢由以上文章陶阮之間千古高墳保下白雲明月青山

軋軋機聲日莫依依楊柳春柔鄰下中郎小女曾

聽唱我高郵先生常喜余高郵城詩相見即呼高郵城來每相對酒酣則朗誦數過

頭上烏紗分贈篋中縞褚相疇不道別時長別誰

知愁是真愁延祐五年冬十月余南歸以巾林一

然也且手書其三代名字授予若有所屬然也

屋上青天未老門前白日常新他日忽變稷禹安知不是斯人

送譚仲章歸長沙

寺二

二十

名家雲陽下忽向雲陽歸行路有南北看山無是非三湘迴鴈盡孤劍白虹飛亦欲投簪去從君采薇

我我亭詩

殷仲堪荅桓温曰我與我周旋久寧作我宜春黃元瑜取以名其亭曰我我為賦詩一首

我游于袁于龍之干有闢闕闕有琴言言有構桓

桓維集之安我居我處我笑我語有真其所而敢

予侮我植孔嘉我構孔華曾莫之迎而莫我多

馳者子亦孔勞矣既我觀矣亦莫我述矣嗟哉

之老猶弗桓是友我不我友將誰
冽冽其清藹藹芬芳煥燦其明
干起

送鄭司獄歸灤州却赴調京師

壯年執戟事明君一日上書天下聞
不恨接逢百僚底猶堪激烈萬人羣
爛柯山遠咫尺掉祈木天清望五雲
盡說于公言陰德掉頭相別大江濱

題山水

野艇未無數山槁渡有三寒雲依古寺
落木帶羸驂迴首重重變幽尋竅壘堪
平生雙眼力江北復

江南

題御馬齋

朱纓金絡轡黃帕錦鞍韉神閑意更逸
初下赤墀前

題山暉齋為劉尊師作

陵岑毓神秀草木咸光晶每覽靈景異
變態如有情閃掩乍如幕飄浮忽相縈
熊熊轉空曲奕奕連增成中有幽人居
燕坐朝玉京窮陰亦朝徹無月恒夜明
碧掩千歲花金芝四時榮猶疑地愛寶
隨物弄華英

題臨江同知問流民事蹟

江北流民七十口三十餘年在江表朋山結惡四
百餘白刃差差應村保崩騰所向如投空白晝攫
金都市中頃由南昌入豐邑反賂守者為先容長
官坐堂寇入室妻子莫逃况金帛豈無鄉民敢相
敵長官一揮翻辟易臨江貳守廉且武手縛其渠
散其伍豈惟鄉民得按堵鄰境聞之皆鼓舞其渠
在獄伍四歸大府上功民俗熙乃知一念敬廉職
萬事至難皆可為人民社稷我所有安得坐視如
雞狗人在雞狗猶愛之民社豈在雞狗後請君看

取臨江守

寄題朱氏真社堂

深居魏亭北悃悞自無華風俗似太古生涯如小
家飲醇猶恐過衣帛尚疑雪相與鄰人異詩書有
三車

送人從軍

妙年好文仍好武一日狂軍氣如虎彎弓已作滿
月圓拔劍更逐迴風舞悲心旋四起壯旆愁蒼山偃
蹇黃雲浮陣前手繫降王頸馬上仍懸猛將頭
誓義大身命小順天將軍古來少一戰功成六

揭曼碩詩卷之三

門生前進士處理溥化校錄

題明皇出游圖應制

明皇八駿爭馳道，還是開元是天寶。
長安花發萬年枝，不識韶華醉中老。
奎章閣下文書靜，冕旒端拱唐虞聖。
此圖莫作等閑看，萬古君王作金鏡。

畫鷹

文梁五色條，秋高意氣豪。
怒張兩目直，霄漢豈與短翻翔。
蓬蒿妖狐畫作猛，虎嘯騶虞并與神。
麟遊嗟尔飽食心，空勞

題張使君棄官學道詩卷

至元天子朝萬國，任丘使君謝病歸。
門前未罷車馬客，身上已著朝真衣。
致君堯舜在豪傑，洗耳巢由何是非。
棲雲觀裏青松樹，唯有白雲終日飛。

登祝融峯贈星上人

洞庭南桂嶺，北衡山連延。
瀟岸黑中有祝融，如結髮嵯峨七十二。
峯間祝融不自知，千山萬山自迴環。
迴環面面芙蓉起，祝融正在芙蓉裏。
儼如天仙朝紫皇，千官百辟遙相望。
半夜每瞻東海日，六月常飛蒲樹霜。
龍拏鳳攬能虎躑，雲山霧滅何時

我未正值太平時時有山僧似疇昔憑高一覽四
海空草間培塿安足雄盤々羅漢臺翕々炎帝宮
復恐九天上視我猶井中朔風日夜相騰蹙谷老
崖堅松栢禿古耒鉄瓦盡飄揚山上至今猶版屋
山僧勸我歌我歌徒自傷天下五岳嵩中央此山
與我俱南疆我今三十始一見北望中原天更長

送何太虛南歸

窮秋來到深冬別未已俄然去忽然學士已分脩
史祿道人特送賣舟錢單車欲發無三日幾處同
行可百年積雪堅冰愁客路徐州城下便通船

憶昨四首

天曆年中秘閣開授經新拜育羣材宮門待漏常
先到講席收書每後回召試時蒙天語勞分題不
待侍臣催滿頭白雪丹心在太液池邊只獨耒

宮草葱茸禁樹齊日趨延顙對凝暉朝迎步辇花
間立暮送回鑿柳下歸碧殿東浮蒼巘合金河北
引玉泉肥幾廻弘慶門前路春氣漾々欲濕衣

已巳羣儒映壁奎端陽侍燕宝慈西線分學士親
臣送詩賜皇姑御手題注酒含春瑤露重承塵轉
午錦雲低日斜共出西門道既醉猶能散馬蹄

奎章分署隔窓紗不斷香風別殿花留守日頒中
賜果宣徽月送上供茶諸生講罷仍番直學士吟
成每自誇五載光陰如過客九疑無處望重華

題李安中白翎雀

白翎雀白翎雀每見灤河河上飛平生未識百禽
性不敢籠向江南歸

寄題胡氏園趣亭

日與世情遠學人聊治生畦蔬多品類樹果各生
成野老過偏數山禽近不驚詩書吾所好農圃也
須明

題文瑞圖

常德之龍陽居多蜀士祠事梓潼君甚嚴祠前有
池曰景星咸淳癸酉蓮兩葉並蒂者六劉初登進
士第延祐甲寅兩花並蒂孫以忠登第天曆己巳
華如甲寅城東三雅湖蓮復三華並蒂海魯丁獲
獨步丁馮天澤聯貢而獲獨步丁登第好事者寫
以為圖邀余賦詩

蓮華復蓮葉並蒂更連華並葉已不見三花兩花
更有情如何與人作嘉瑞偏向龍陽水底生龍陽
家事梓潼君華華葉葉梓潼神好在龍陽士汝但

讀書更績文為華為葉汝莫論

題南頓孔氏復明詩卷

失明非有故復明還自然方其失明時萬事俱棄
捐外雖無所睹內則常淵淵如未嘗有目不喜亦
不憐如明入地中明未嘗不全逍遙天地內如在
天地先不助亦不忘一氣自周旋不敢計此生敢
計時序遷剝乃復之始自坤還至乾忽如浮雲散
還我蒼蒼天昔非果失之今亦固有焉如何孔氏
家母子仁且賢先後俱失明其復皆十年十者數
之終如月晦必圓養之苟有道何疾非所痊頃

詩三

一

永保之毋或忽此篇

奉同柯博士甘內掾下直賦

暮出閭闔門解鞍坐前庭泠泠草露白華月隔林
生蟋蟀奮哀響鴻鴈流遺聲常恐芳景晏不知寒
節并萬物肅將斂孤懷徒自盈投紵數長謠凄泊
諒難徵

賦得海上雲送良上人歸徑山

蕩蕩無邊涯悠悠何所之孤飛若有意羣往更無
疑稍拂搏桑樹還經若木枝迎陽成五色乘陰忽
四垂作態離仍合多情去卻追因風過別島和月

下蓬池且任從龍去寧知到岸時惟應學空者澹
泊與相期

吳子高悼亡歸岳陽

都門落葉滿遊子去京畿忍聽離鷺擗遙逐秋鴻
飛愁霜曉入鏡淚雨夕沾衣烟樹黃河岫風帆采
石磯平沙迴渺漫寒宇暖熏微客心閑轉切鄉書
近却稀夢闌光女泣行將童僕依竊慕漆園放詭
云潘岳非乘濤慣不險迴江望若圍武昌未易到
更向岳陽歸

秋夜作

詩三

子

露下氣逾肅月高寒欲流落葉階前樹疎鐘
樓衰年對急景歸心臨莫秋當世非無意才薄徒
淹留

進士張于高得邛州判官歸成都

邛竹山前負弩迎去年曾是一書生天定劍閣猶
車馬雪滿繩橋正甲兵即恐徵求民力竭莫將憂
患客心并六千餘里關河路不盡深期遠別情

題陶淵明歸興詩

家貧無酒飲聊欲試弦歌去家百餘里邈若異山
河江上日多風濛濛水增波門前五柳樹繁蔭空

婆娑林田已收成歸計當如何

○寄題傅尊師兄弟所作寧壽道院

鍾磬之小千萬峰琵琶塵湖相疊重兩翁入谷起
臺殿半夜空山聞鼓鍾猛虎時逢澗邊石飛龍却
是雲間松黃庭書罷人難見鴻寶披殘手自封度
壑采芝隨鹿跡登厓望日躡雲蹤已知塵世惟堪
笑不是神人字少逢辟穀有方桃更美圍碁無地
稱相容但餘一念封人祝未與人間萬事情

二月朔日雪中題歐陽少監所藏宋好古畫

竹

晨朝下延閣貽我翠琅玕微霜著節勁細雲

寒散枝偏稱遠壑葉更宜攢孤石覆逾潤橫坡晴
不乾况茲春雪裏相對五雲端誤當裁汗簡誰擬
截漁竿惟應湘浦上歸共幽人觀

○雲錦溪棹歌七首

雲錦溪中雲錦鮮好在高秋八月天西蜀錦江那
得似西湖綠水更須憐

纔過浮石是藍溪溪上青山高復低山中泉是溪
中水尋源直到華山西

藍溪南去到藍洲水底嶄嶄石不流迴望朱宮雲

霧裏白雲深處更高樓

宮前梨浦白茫茫岸上人家不似牆能到此中還
有幾行人莫厭棹歌長

揚金橋望玉真臺臺下橋頭人往來崇仁宮裏看
花去安仁縣裏賣薪回

挹仙亭下薛公橋紛紛抵暮更連朝唯有橋西楊
與柳無情長繫木蘭橈

溪上層層雲錦山垂楊盡處是龍灘不是孤舟來
逆上何人知道世途艱

御書雪林二字賜趙中丞應制

詩三

七

聖主揮毫臨秘閣親臣執法坐崇臺祥雲五色從
天下彩鳳雙飛映日來政欲清如林上雪已聞聲
奮舊地中雷君臣千載明良會咫尺微垣接上台

題胡虔汲水蕃部圖應制

沙磧茫茫塞草平沙泉下馬滿囊盛曾於王會圖
中見真向天山雪外行聖德只今包宇宙邊庭
隨處樂農耕生綃半幅唐筆留與君王駐遠
情

題辛澄蓮華觀音像應制

至人不可測晏坐青蓮華珠纓被玉體白毫貫彩

霞從何得此相來置玉皇家

杜節婦詩

結髮事夫子長言兩相期語晏方婉孌生死遽分離室中無長子堂上無老姑生計日蕭條誰分心不渝良馬不亂群仁鳥不亂行昔者為夫婦今忍遂相忘生為董家女死作杜家婦安能若流水東流復西注春秋陳時祀蘋藻宿所共一朝祭無主焉得不忡忡灼灼庭中花落落落俱為實賤妾在空閨志願從此畢

題內府畫四首應制

詩三

八

韓滉土星像

五行土居中百獸牛有功土行降為神騎牛髮翁翁有土復有牛惟神賜年豐誰知韓滉意政與皇心同

曹將軍下槽馬圖

曹霸畫馬真是馬宛頸相摩槽檻下卓犖權奇果如此豈有世上無知者朱絲不是凡馬韉天閑十二皆龍驤曾從天子平四方畫圖彷彿餘驪黃華山之陽春草長

韓幹馬

韓幹畫出曹將軍幹惟畫肉猶逼真昂藏四顧欲
飛去老奚安知馬有神想當此馬未畫時朝刷吳
越莫燕秦頓轡長鳴風動地不數驂騮與騏驎當
時用舍那知許粉墨蕭條尚雄武千金駿骨何足
論萬世長留群王府

宋徽宗成平殿曲宴蔡京圖御畫壁記

東京諸蔡滿周行延福成平樂未央千畝松篁籠
玉殿九霄風露濕霓裳君臣契合同堯舜禮樂先
華邁漢唐明日圖成仍作記千秋留與監興亡

送秘書李道濟赴陝州幕

詩三

九

蓬萊道山芸閣裏赤甲白鹽蓮幕中十載同朝君
獨去三年佐政我難同大河水滿中宵雨鉅野樹
涼清曉風夷陵江頭幾日到迎親應先南飛鴻

奉送全平章赴江西

聖主思南土明公起集賢直期凋瘵後共致太平
年金虎分符重文龍賜服解權綱兼將相標格近
神仙天地三江外星辰北極邊丹心齊出處素志
在陶甄請進江南事都非大德前但徼扶弱美竟述
坐抑強偏無復同憂樂徒令舞智權平疇吹渤澥
暗室伏戈鋌貪競明相訓忠良默自憐民心隨日

壞世態與時遷況復兵饑接仍聞疫癘纏誅求殊
未已蠹賊轉相挺若擬寬憂顧先須解倒縣久飢
寧擇食多病但求痊一語堪懲勸微機足轉旋已
知平似水更道直于弦遙想聞公至渾如望歲然
九重天上別百丈霧中牽日月明金節山河入畫
船四方初息馬五月正鳴蟬豐樂田多黍生香灤
有蓮岱宗標魯地廬嶽壑湖水恠收崩浪山靈
埽瘴烟歡呼麟鳳出踴躍吏民先笳鼓趨雄鎮旌
旗覆廣川下車和氣應袖手頌聲延膏雨侵淮甸
仁風扇海壖忠貞真世篤調燮有家傳赤子皆同
體蒼生且息肩龔黃須警策方召在蕃宣

詩三

十

題青山白雲圖

蕭寥青山曉迢遞白雲生衆樹春已暗高原人未
畊方思看桃去復擬采苓行深谷無機事白髮枕
松聲

桃花鸚鵡

嶺外經年別花前得意飛客來呼每慣主愛食偏
肥才子憐紅嘴佳人學綠衣狸奴亦可怕莫自戀
芳菲

趙孝子

廬陵趙孝子四歲父行賈一去三十年家惟大母
母大母已云沒而父行不歸兒長亦有婦母子聊
相依從父自北來汝父久已死母子哭且問父死
何鄉里聞汝父死時不知汝父處汝但欲往問京
師多舊故再拜別阿母行行至京師自念不見父
兒死無歸時乃有曾老者往昔與父善言汝父死
處濱州利津縣徒跣二千里薄言至利津朱琪張
文輩一一陳所因死以某年月葬以某木棺姓名
某所題近在城南端城南冢累累翳然榛莽中極
目千萬冢誰能識其蹤行哭七日餘欲死不得所

生者無由知死者豈能語解髮繫馬鞍負之墳墳
過吾倘父有知髮解鞍自墮俄至一墳前鞍墮髮
自解開墳見前和題字宛猶在既見父姓名痛絕
心始安函骨陳野祭禽鳥聲為酸鄰老四面來驚
歎未曾有相率報縣官縣官駭之久即日上大府
大府咸異之次第聞中朝行子正南馳行子行且
傷哭踊如初喪路遙山川阻何時至故鄉故鄉既
云至葬祭無違禮母子永不離萬事若流水聞者
盡稱孝見者皆感泣期爾百世昌望爾百祿集兒
今無一願願母長不老歲歲父墳前酒飯墳上草

入秦淮和曾編脩

秦淮江上送飛鴻
秦淮水流西復東
六朝人物已寂寞
萬古雲山空
疊重明日還
沾采石酒
昨朝聽廣陵鐘
人生不似寒潮水
去去來來有定蹤

送陵陽蕭教授赴瀏陽

青草茫茫接洞庭
瀏陽江上好談經
遙瞻紫蓋為南嶽
仰見長沙是壽星
日晏投書招楚客
夜闌鼓瑟感湘靈
下簾高坐金錢滿
贖買鹽梅寄在廷

賦得春雁送張郎中省親揚州

東風吹歸雁
離離翔天側
朝發衡陽浦
夕過陰山

詩三

十二

嶺嶠唳浮雲
中萬里才一息
春言思親者相望有南北

送聶太祝赴潮州錄寧聶天曆潛邱舊人

三載從容禮樂間
仙曹新拜度梅關
春風忍過金陵道
夜月重經黃木灣
盜賊數州相應起
甲兵諸道幾時還
憑君細講安民策
莫遣邊防一日閑

題俞氏看雨軒

慘澹來何處
崩騰忽滿城
遙連四山黑
近灑半江明
可愛花間濕
偏宜竹上聲
中宵未可住
高枕寄餘情

題江道士清虛館

遺紛極玄覽宴坐白玉京日月朗朝夕河漢流無聲
冉冉兩玉童雙吹紫鸞笙下視九州浮以四大瀛
萬劫猶一瞬逍遙樂泰清

賦得吳歌送人歸吳中

三月酒如澗高堂絲竹停繡筵雙鳳影珠箔亂鶯聲
疊應紅牙拍辭傳金縷名綵雲低不度芳塵暗
自驚花發長洲苑日照闔閭城且奉千金壽寧忘
萬里情

己卯七月二十有七日補寫訖

葺園傅增湘識



揭曼碩詩卷之三

曼碩詩集以元至元本為最古然編檢諸家藏目
皆屬舊鈔如錢氏讀書敏求記張氏愛日精廬所
藏皆從元刻傳錄者張芑川家所藏則從元刻校勘
者惟葉文莊水東日記言其家有元時坊刻三卷本
意即此本身者於南中見芑川家明寫本有李北恪
黃廷鑑季錫疇諸人手跋相與歎賞諒為珍秘則
元刻之罕觀益可知矣甲子歲余游廬市偶獲此
本半葉十行二十九字黑口四周雙闌字體婉柔有
松雪意間有補板則殊為拙滯題門生前進士燧
理溥化校錄目錄前有至元庚辰季春日新堂印
行一行諸家題識以為在目錄後者皆誤也惜卷三末
缺失七番適余有影元鈔本遂手寫完之自元代
至元庚辰至今歲己卯凡歷三朝十周甲子正六百
年而余以垂暮之齡幸目力未衰得弄其柔翰以
奏媯皇煉石之功斯亦有數存耶後之得吾書者
鑒此炳燭之明差免抱殘之憾勤之護守俾毋壞
失則余之露鈔雪簞庶不為徒勞也乎
歲在己卯中秋節汪安傳增湘識



圖書在版編目(CIP)數據

揭曼碩詩集/[元]揭傒斯撰.—北京:北京圖書館出版社,2005.10

(中華再造善本)

ISBN 7-5013-2871-4

I. 揭… II. 揭… III. 古典詩歌—作品集—中國—元代 IV. I222.747

中國版本圖書館CIP數據核字(2005)第074882號

ISBN 7-5013-2871-4



9 787501 328710 >

書名 揭曼碩詩集(全二冊)
著者 [元]揭傒斯 撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Bstxb@nlc.gov.cn

Website: www.nlcpress.com

印刷 金壇市古籍印刷廠

開本 八


印張 一七·五

版次 二〇〇五年十月第一版第一次印刷

印數 一—二〇〇

書號 ISBN 7-5013-2871-4 / K·1122

定價 五六〇圓



清不用黃金印如斗

題淵明歸去來圖

清江皮使君治南恩有惠政一日自免去而歸老
焉廬陵王實初賞其高節以淵明歸去來圖求中
朝學士大夫賦詩還以為壽僕用其意賦五言一
首

吏事久見牽山澤曠游盤茲辰理還桀乃得從所
歡悠悠川塗迴忽已造郊園風景一不異鄰曲皆
奮觀童稚識人情奔走向我前荒草雖誕漫松菊
了不干瞻焉循初服常恐負昔言入室多美酒步

元升

庭嘉樹繁曠然心神舒誰謂世路艱出處各有道
既倦當知還方春農事興念之每忘餐貴賤豈不
殊樂以農圃安堯舜垂衣裳巢許箕顛間漢祖除
暴秦黃綺在商顛彼皆賢達士今古胡不然永與
簪組辭婆娑養餘年昔聞陶彭澤今見皮南恩
歲仰高軌茲圖良足歎